

Hordaland fylkeskommune
Postboks 7900
5020 BERGEN

Vår dato: 22.05.2015
Vår ref.: 201003734-39
Arkiv: 312
Dykkar dato:
Dykkar ref.:

Sakshandsamar:
Stein Wisthus Johansen

Høyring av søknad om konsesjon til bygging av Austdøla kraftverk i Ulvik herad, Hordaland fylke

NVE har motteke søknad frå Statkraft Energi AS om å få byggje Austdøla kraftverk i Ulvik herad. Søknaden blir sendt på høyring til alle som saka vedkjem. Høyringsfrist er **15. september 2015**. Bruk gjerne nettsida til NVE når de sender fråsegn.

Søknaden inneheld konsekvensutgreiing (KU) og fagrapportar.

Søknaden skal handsamast etter reglane i vassdragsreguleringslova § 6. Den blir kunngjort av NVE. Kopi av kunngjeringa ligg ved.

Søknaden og alle fagrapportane er tilgjengelege på internettsida til NVE: www.nve.no/Vannkraft. Om høyringspartane ønskjer ein papirversjon av meldinga kan dei kontakte Rolf Yngvar Jenssen på e-post rolf.jenssen@statkraft.com eller tlf. 53 67 30 60.

Vi viser elles til vedlagd informasjonsark som forklarar sakshandsaminga frå søknaden blir sendt på høyring og fram til endeleg vedtak. Av dette går det fram kva vi ønskjer tilbakemelding på. Vi ber Fylkesmannen gjere ei konkret vurdering av om tiltaket treng konsesjon etter forureiningslova for driftsfasen.

Vi ber Ulvik herad om å kunngjere saka på sine heimesider, og leggje to eksemplar av søknaden med fagrapportar ut til offentleg gjennomsyn på Tenestetorget i Sentrumsbygget og i biblioteket i Ulvik herad fram til **15. september 2015**. Det eine eksemplaret kan om naudsynt lånast ut for kortare tid (2 - 3 dagar). Det andre må ikkje fjernast frå utleggingsstaden.

Fråsegner skal sendast, gjerne via internett www.nve.no/Vannkraft, til nve@nve.no eller i brev til NVE-Konsesjonsavdelinga, Postboks 5091 Majorstua, 0301 Oslo, så snart som mogeleg og seinast innan **15. september 2015**.

Fråsegner eller delar av fråsegner vil bli referert i innstillinga i saka frå NVE til Olje- og energidepartementet (OED). Om fråsegna er lang, er det difor ein fordel om det er utarbeidd eit samandrag som kan brukast til dette. Fråsegner er offentlege dokument. Sentrale saksdokument blir lagt ut på NVE sine internettsider.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Vestre Rosten 81
7075 TILLER

Region Nord
Kongens gate 14-18
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvn. 1B
Postboks 53
6801 FØRDE

Region Øst
Vangsvieien 73
Postboks 4223
2307 HAMAR



Med helsing

Carsten Stig Jensen
seksjonssjef

Stein Wisthus Johansen
senioringeniør

Dokumentet vert sendt utan underskrift. Det er godkjent etter interne rutinar.

Vedlegg: Kopi av kunngjering, info.ark om sakshandsaminga

Mottakerliste:

Adresseliste

Bergen og Hordaland Turlag

BKK Nett AS

Den Norske Turistforening

Direktoratet for Mineralforvaltning med Bergmesteren for Svalbard

Fiskeridirektoratet Region Vest

Forum for natur og friluftsliv Hordaland

Friluftslivets Fellesorganisasjon

Fylkesmannen i Hordaland

Hardanger Energi AS

Havforskningsinstituttet

Hordaland Bondelag

Hordaland fylkeskommune

Johan Osa

Kystverket vest

Mattilsynet, Regionkontor Hordaland og Sogn og Fjordane

Naturvernforbundet i Hordaland

NHO Reiseliv

NJFF – Hordaland

Norges Bondelag

Norges geotekniske institutt - NGI

Norges Jeger- og Fiskerforbund

Norges Naturvernforbund

Norsk Ornitologisk Forening avd. Hordaland

Norske lakseelver

Olje- og energidepartementet

Osa felleseige

Osa Grendelag v/Margunn Hauso

Sabima Samarbeidsrådet For Biologisk Mangfold

Samarbeidsrådet for naturvernsaker

Statens Vegvesen - region vest

Statnett SF

Stiftelsen Bergens Sjøfartsmuseum

Ulvik Fjellstyre

Ulvik kommune



Ulvik sogelag v/Torbjørn Dyrvik
Villreinnemnda for Hardangerviddaområdet

Kopi til:

Statkraft Energi AS



Noregs vassdrags- og energidirektorat kunngjer

Søknad om konsesjon for bygging av Austdøla kraftverk i Ulvik herad

NVE har motteke søknad frå Statkraft Energi AS med planar om å nytta deler av restvassføringa i Austdøla i Osa i Ulvik herad i Hardanger til ny kraftproduksjon. Øvre deler av vassdraget er overført og vert nytta i dag i Lang-Sima kraftverk, som er den eine delen av Eidfjord-Nord utbygginga. Utbyggingsløysinga som vert omsøkt, omfattar etablering av eit magasin i Austdølvatnet (kote 907). Fallet derifrå og ned til kote 185 i Austdøla er planlagt nytta i Austdøla kraftverk. Utbygginga er rekna å kunne gje ein samla årsproduksjon på om lag 34 GWh.

Søknaden vert handsama etter reglane i vassdragsreguleringslova § 6.

Søknaden og fagrapportane er tilgjengeleg på www.nve.no/vannkraft og er lagt ut til offentleg gjennomsyn på Tenestetorget i Sentrumsbygget og i biblioteket i Ulvik herad.

De kan få ein papirversjon av søknaden ved å kontakte Rolf Yngvar Jenssen på e-post rolf.jenssen@statkraft.com eller tlf. 53 67 30 60.

Fråsegner sendast gjerne via internett www.nve.no/vannkraft, til nve@nve.no eller i brev til NVE – Konsesjonsavdelinga, Postboks 5091, Majorstua, 0301 OSLO så snart som mogeleg og seinast innan **15. september 2015**.



SAKSHANDSAMINGSRUTINAR VED SØKNAD ETTER VASSDRAGS-REGULERINGSLOVA UTAN KONSEKVENSUTGREIING

Generelt

Søknaden gjeld eit kraftutbyggingsprosjekt etter vassdragsreguleringslova (reguleringslova). Reguleringar av magasin og overføring av vatn som gir ei kraftauke utover 500 naturhestekrefter (eller 3000 naturhestekrefter i heile vassdraget) blir handsama etter reglane i reguleringslova. Tilleggsoverføringar eller –reguleringar blir handsama etter reguleringslova utan omsyn til storleik. NVE kan ikkje fatte vedtak etter reguleringslova, men skriv tilråding til Olje- og energidepartementet (OED).

Prosjektet fell ikkje inn under reglane i plan- og bygningslova om konsekvensutgreiing.

Vi viser til våre nettsider for meir informasjon:
www.nve.no/vannkraft-ku.

Handsaming av søknaden fram til endeleg avgjerd

NVE sender saka på høyring til dei kommunane, fylkesmenn, fylkeskommunar, statlege forvaltningsorgan og interesseorganisasjonar som saka vedkjem. Høyringsperioden er minst tre månader. Saka blir kunngjort i lokale aviser, finst tilgjengeleg til gjennomlesing i kommunen og kan lastast ned frå NVE sine nettsider.

Etter høyringsperioden får søkjar høve til å kommentere innkomne fråsegner. Når NVE har motteke desse kommentarane vil NVE i mange saker (avhengig av omfanget av saka) invitere til ei synfaring i samarbeid med søkjar. Kommunen, fylkeskommunen, Fylkesmannen og andre partar som saka vedkjem vil få høve til å delta. Under synfaringa er det mogleg å utdjupe aktuelle problemstillingar og å peike på forhold som er teken opp i høyringsrunden.

NVE vil deretter gi si tilråding i saka til OED. Ved ei totalvurdering står NVE fritt til å vurdere om konsesjon skal tilrådest og i kva utstrekning. Søknaden og innkomne fråsegner er viktige grunnlag for denne vurderinga.

Dersom NVE tilrår å gi konsesjon, vil forslag til konsesjonsvilkår og ev. manøvreringsreglement vere lagt ved innstillinga til OED. Vilkåra inneheld reglar om m.a. konsesjonstid, revisjon av vilkår, konsesjonsavgifter til staten og kommunar, konsesjonskraft, godkjenning av detaljplanar for

utbygginga, tersklar, erosjon, naturforvaltning, forureining, kulturminne og sanksjonsreglar ved ev. brot på vilkåra. Ein viktig del av vilkåra er manøvreringsreglementet som gir rammene for konsesjonen, med m.a. reglar for vasslepping og reguleringshøgder.

Departementet sender NVE si tilråding ut på ei avgrensa høyring til dei kommunar og departement som saka vedkjem. Deretter fremjar OED saka for regjeringa som fattar endeleg vedtak.

Dersom det er søkt om løyve etter energilova for elektriske anlegg i kraftverk/høgspenst overføringsanlegg, vil NVE gi nødvendige konsesjonar etter at reguleringslovsaka er endeleg avgjort.

Kva forventast av høyringsinstansane?

Formålet med høyringa er å få synspunkt på dei framlagde planane og alternativa som er presentert, vurdert etter konfliktgrad. Det er ønskeleg med grunngitte synspunkt på om planane bør gjennomførast, ev. val av alternativ eller avgrensingar i planane. NVE ønskjer også grunngitte forslag til avbøtande tiltak som kan redusere skadane ved gjennomføring av planane.

NVE ventar at kommunen spesielt omtalar tilhøve knytt til kommuneplanen. I tillegg bør kommunen gi ei oversiktleg framstilling av forholdet mellom den omsøkte planen og dei lokale interessene. Dersom søknaden også gjeld løyve til elektriske anlegg, ber vi kommunen uttale seg om dette.

Faginstansar som Fylkesmannen og fylkeskommunen har eit særleg ansvar for å vurdere søknaden i forhold til sine respektive ansvarsområde. Vassregionmyndigheita skal vurdere om dei meiner tiltaket bør vurderast etter vassforskrifta § 12 eller ikkje.

Om mogleg ønskjer vi at fråsegner sendast elektronisk, gjerne direkte via våre nettsider, www.nve.no/vannkraft.

Rett til motsegn

Kommunar, fylkeskommunar, Sametinget og statlege fagetatar kan fremje motsegn. Ei eventuell motsegn må fremjast i høyringsperioden. Vi viser til Rettleiar 3/2010 s. 17 for nærmare informasjon om dette (se www.nve.no/vannkraft-ku).